

**SAVEZ ZADRUGA
U FEDERACIJI BOSNE I HERCEGOVINE**

**Broj : 186/ 20
Sarajevo, 10.11.2020. godine**

U skladu sa članom 24. i članom 68. Pravila Saveza zadruga u Federaciji Bosne i Hercegovine broj: 02/17 od 11.04.2017. godine, Skupština Saveza, na sjednici održanoj dana 10.11. 2020.godine, donijela je

ODLUKU O IZMJENAMA I DOPUNAMA PRAVILA

Član 1.

Vrše se izmjene i dopune Pravila Saveza zadruga u Federaciji Bosne i Hercegovine.

Član 2.

Član 1. mijenja se i glasi:

Ovim Pravilima Saveza zadruga u Federaciji Bosne i Hercegovine uređuju se sljedeća pitanja: naziv i sjedište saveza; ciljevi udruživanja; poslovi i zadaci saveza; osnivači i članstvo u savezu; članarina, djelatnost saveza; obaveze i odgovornosti Saveza; prava, obaveze i odgovornosti članica saveza; način izvršavanja zadataka Saveza; organi i upravljanje savezom; način predstavljanja saveza pred nadležnim organima; način obavljanja stručnih i drugih poslova; zadružna arbitraža, sud časti, zadružna revizija, imovina i sredstva za rad saveza; prestanak saveza i druga pitanja; akti saveza, završne odredbe i druga pitanja značajna za rad saveza.

Član 2. mijenja se i glasi:

Savez zadruga u Federaciji Bosne i Hercegovine (u daljem tekstu: Savez) se osniva na neodređeno vrijeme, a djeluje na području Federacije Bosne i Hercegovine.

Uvodi se novo poglavlje IV. pod nazivom: POSLOVI I ZADACI SAVEZA

Uvodi se novi član 8. i glasi:

Savez obavlja svoje poslove i zadatke u skladu sa članom 69. Općeg zakona o zadrugama Bosne i Hercegovine:

- 1) pruža stručnu i drugu pomoć pri osnivanju i unapređenju poslovanja zadruga;
- 2) zastupaju interese zadruga pred državnim organima i organizacijama i bankarskim i drugim finansijskim organizacijama u oblasti zadrugarstva;
- 3) organizuje i podstiče stručno usavršavanje, naučno-istraživački rad i informativno-izdavačku i propagandnu djelatnost od interesa za unaprjeđenje zadrugarstva;
- 4) odlučuju o prenosu, odnosno davanju na korišćenje imovine ako mu je predata po prestanku zadruga, u skladu sa Općim zakonom o zadrugama BiH;
- 5) organizuju arbitražu i uređuju način njenog rada;
- 6) prikuplja podatke potrebne za vođenje zadružne statistike;

- 7) organizuje sud časti i uređuje način njegovog rada;
- 8) obezbjeđuje obavljanje zadružne revizije i uređuje način njenog rada;
- 9) stara se o unaprjeđenju zadrugarstva;
- 10) vodi evidenciju o zadrugama (zadružni registar) i zadružnu statistiku;
- 11) obavlja druge poslove propisane pravilima ovog saveza.

Poglavlje IV. OSNIVAČI I ČLANSTVO SAVEZA postaje poglavlje V.

Član 8. postaje član 9. i mijenja se i glasi:

Članice – osnivači Saveza su:

1. Poljoprivredna zadruga "AGROEKO" p.o. Ilidža
2. Stambena zadruga "UPI RADNIKA" p.o. Sarajevo
3. Opća zemljoradnička zadruga "ŽEPAČKI ROLEND p.o." Žepče
4. Zemljoradnička zadruga "AT" p.o. Donji Vakuf
5. Poljoprivredna zadruga "CROLAND" p.o. Žepče
6. Opća poljoprivredna boračka zadruga "PRAČANKA" p.o. Pale-Prača
7. Opća poljoprivredna zadruga "VIP DRINA" p.o. Ustikolina
8. Poljoprivredna zadruga "KENO" p.o. Čapljina
9. Opća zadruga "SLOGA" p.o. Zavidovići
10. Opšta poljoprivredna zadruga "INTER AGRO" p.o. Kakanj
11. Poljoprivredna zadruga "AGROPROMET" p.o. Tuzla
12. Boračko /Braniteljska zadruga "PLODOVI HERCEGOVINE" p.o. Konjic

Članice Saveza koje su pristupile nakon osnivanja Saveza su:

13. Opća poljoprivredna zadruga "Kapi Života" p.o. Tešanj
14. Opća zadruga "ZA-PLOD" p.o. Zavidovići

Član 9. postaje član 10. i mijenja se i glasi:

Članicom Saveza mogu postati sve zadruge i sve regionalne zadružne organizacije sa sjedištem u Federaciji BiH, u skladu sa Općim zakonom o zadrugama BiH i Pravilima Saveza.

Članicom Saveza mogu postati i drugi privredni subjekti, sa sjedištem u Federaciji BiH, ako njihova delatnost doprinosi ostvarivanju ciljeva rada zadruga i Saveza.

Status članice stiče se učešćem u osnivanju Saveza.

Poslije osnivanja Saveza status članice se stiče po osnovu odluke organa upravljanja zainteresovane organizacije o pristupanju u članstvo, zahtjeva o pristupanju i pristupne izjave kojom članica prihvata prava, obaveze i odgovornosti članice, utvrđene Ugovorom o osnivanju Saveza, odnosno ovim Pravilima.

Član 10. postaje član 11. i mijenja se i glasi:

Uz dokumentaciju iz člana 10. stav 4. organizacija koji pristupa Savezu prilaže dokaz o izvršenoj uplati članskog uloga u iznosu od 100,00 KM.

Član 11. postaje član 12. i ne mijenja se.

Uvodi se novo poglavlje VI. pod nazivom: ČLANARINA.

Član 12 postaje član 13. i mijenja se i glasi:

Postoje tri grupe zadruga i zadružnih organizacija koje plaćaju članarinu:

- **Prva grupa** su zadruge i drugi privredni subjekti - članice Saveza,
- **Druga grupa** su regionalne zadružne organizacije – članice Saveza,
- **Treća grupa** su zadruge i regionalne zadružne organizacije - pridružene članice, koje nisu stekle status članice Saveza, a koje u budućnosti planiraju postati članice Saveza.

Uvodi se novi član 14. i glasi:

Postoje tri kriterijuma za obračun članarine:

Prva grupa - zadruge i drugi privredni subjekti – članice Saveza plaćaju mjesečnu članarinu na transakcijski račun Saveza, prema vrijednosti ostvarenog ukupnog prihoda iskazanog u završnom računu za svaku godinu i to:

- Za ostvaren ukupan prihod do 50.000,00 KM10,00 KM,
- Za ostvaren ukupan prihod preko 50.000,00 KM do 500.000,00 KM.....30,00 KM,
- Za ostvaren ukupan prihod preko 500.000,00 KM do 1.000.000,00 KM.....50,00 KM,
- Za ostvaren ukupan prihod preko 1.000.000,00 KM do 2.000.000,00 KM...80,00 KM,
- Za ostvaren ukupan prihod preko 2.000.000,00 KM..... 100,00 KM,

U slučaju da zadruga ili drugi privredni subjekt – članica Saveza iz prethodnog stava ovog člana, ne plati članarinu u ukupnom iznosu za prethodnu godinu, gubi pravo glasa u organima Saveza u tekućoj godini, i to sve do momenta, dok ne uplati neplaćeni iznos članarine.

Druga grupa - regionalne zadružne organizacije – članice Saveza plaćaju mjesečnu članarinu na transakcijski račun Saveza, u iznosu od 30% naplaćene članarine od svojih članica.

U slučaju da regionalna zadružna organizacija – članica Saveza iz prethodnog stava ovog člana ne plati članarinu u ukupnom iznosu za prethodnu godinu, iz prethodnog stava, njene članice gube pravo glasa u organima Saveza u tekućoj godini, i to sve do momenta, dok se ne uplati neplaćeni iznos članarine.

Treća grupa - zadruge i regionalne zadružne organizacije - pridružene članice, koje nisu članice Saveza, plaćaju različit iznos mjesečne članarine na transakcijski račun Saveza u zavisnosti od troškova pruženih stručnih usluga, o čemu će se sačiniti sporazum sa svakom zainteresovanom zadrugom i ispostaviti joj se račun.

Zadruge i regionalne zadružne organizacije koje plaćaju članarinu imaju posebne pogodnosti u pogledu sniženja troškova stručnih usluga Saveza prema njima.

Poglavlje V. DJELATNOSTI SAVEZA postaje poglavlje VII.

Član 13. postaje član 15. i mijenja se i glasi:

Djelatnosti Saveza su:

58.11 Izdavanje knjiga

58.14 Izdavanje časopisa i periodičnih publikacija

69.10 Pravne djelatnosti

69.20 Računovodstvene, knjigovodstvene i revizijske djelatnosti; porezno savjetovanje

70.22 Savjetovanje u vezi s poslovanjem i ostalim upravljanjem

72.19 Ostalo istraživanje i eksperimentalni razvoj u prirodnim, tehničkim i tehnološkim naukama

72.20 Istraživanje i eksperimentalni razvoj u društvenim i humanističkim znanostima

73.20 Istraživanje tržišta i ispitivanje javnoga mnijenja

74.90 Ostale stručne, naučne i tehničke djelatnosti, d. n.

82.30 Organizacija sastanaka i poslovnih sajмова

94.11 Djelatnost poslovnih organizacija i udruženja poslodavaca

Poglavlje VI. OBAVEZE I ODGOVORNOSTI SAVEZA postaje poglavlje VIII.

Član 14. postaje član 16. i ne mijenja se.

Poglavlje VII. PRAVA , OBAVEZE I ODGOVORNOSTI ČLANICA SAVEZA postaje poglavlje IX.

Član 15. postaje član 17. i ne mijenja se.

Član 16. postaje član 18. i ne mijenja se.

Poglavlje VIII. NAČIN IZVRŠAVANJA ZADATAKA SAVEZA postaje poglavlje X.

Član 17. postaje član 19. i ne mijenja se.

Član 18. postaje član 20. i mijenja se i glasi:

U izvršavanju svojih zadataka Savez sarađuje sa regionalnim zadružnim organizacijama, zadružnim savezima, privrednim komorama, državnim organima, naučnim i stručnim institucijama u zemlji i svim drugim zainteresovanim za razvoj zadrugarstva.

Član 19. se briše.

Član 20. postaje član 21. i ne mijenja se.

Poglavlje IX. ORGANI I UPRAVLJANJE SAVEZOM postaje poglavlje XI.

Član 21. postaje član 22. i mijenja se i glasi:

Savezom upravljaju njegove članice preko svojih predstavnika u organima Saveza i oblicima organizovanja u Savezu.

Organi Saveza zadruga u Federaciji BiH su: Skupština, Upravni odbor, Nadzorni odbor i predsjednik Saveza.

Savez može formirati: udruženja, grupacije, sekcije, savjete, odbore, komisije, ekspertne i radne grupe i druga tijela.

Za izvršavanje stalnih i povremenih zadataka Savez ima stručnu službu, a može koristiti usluge naučnih i stručnih organizacija, vanjskih saradnika i članica.

U organe Saveza ne mogu se birati predstavnici članica, koje ne izmiruju svoje obaveze prema Savezu.

Član 22. postaje član 23. i mijenja se i glasi:

Skupština Saveza

Najviši organ upravljanja u Savezu je Skupština Saveza.

Članovima Skupštine Saveza, smatraju se:

- predstavnici svih članica koje su u postupku osnivanja Saveza upisane u sudski registar Saveza kod nadležnog suda,
- predstavnici svih članica koje su nakon osnivanja Saveza stekle status članice Saveza i upisane su u sudski registar Saveza kod nadležnog suda,
- predstavnici svih članica koje su nakon osnivanja Saveza stekle status članice Saveza i upisane su u Knjigu zadrugara, u skladu sa članom 26. Općeg zakona o zadrugama BiH.

Član 23. postaje član 24. i mijenja se i glasi:

Zadruga i druge privredne subjekte - članice Saveza na Skupštini Saveza zastupa, predstavlja i donosi odluke lice ovlašteno za zastupanje članice, ili lice koje ovlašteno lice članice, posebnom pismenom punomoći ovlasti da učestvuje u radu pojedinih sjednica Skupštine Saveza.

Svaka članica iz prethodnog stava ima jedan glas u Skupštini Saveza

Regionalne zadružne organizacije – članice Saveza, na Skupštini Saveza predstavlja i donosi odluke lice ovlašteno za zastupanje regionalne zadružne organizacije, ili lice koje ovlašteno lice regionalne zadružne organizacije, ovlasti posebnom pismenom punomoći da učestvuje u radu pojedinih sjednica Skupštine Saveza.

Svaka regionalna zadružna organizacija - članica ima onoliko glasova u Skupštini Saveza, koliko ova članica ima u svom članstvu svojih članica.

U slučaju iz prethodnog stava predstavnik regionalne zadružne organizacije – članice mora predsjedniku Skupštine Saveza dostaviti pismene punomoći svih svojih članica, kojima ga ovlašćuju, da učestvuje u radu Skupštine Saveza i odlučuje u njihovo ime.

Član 24. postaje član 25. i mijenja se i glasi:

Nadležnosti Skupštine Saveza :

- donosi Pravila Saveza;
- usvaja izmjene i dopune Pravila Saveza;
- usvaja izmjene i dopune Ugovora o osnivanju Saveza;
- usvaja godišnji plan rada i finansijski plan Saveza;
- usvaja godišnji izvještaj o prihodima i rashodima Saveza;
- usvaja godišnji izvještaj o radu Upravnog odbora i Nadzornog odbora;
- bira i razrješava članove Upravnog odbora, Nadzornog odbora i predsjednika Saveza;
- odlučuje o načinu finansiranja Saveza;
- odlučuje o statusnim promjenama i svim oblicima saradnje sa drugim zadružnim organizacijama u BiH;
- utvrđuje inicijative, prijedloge i zahtjeve za razvoj zadrugarstva i dostavlja ih nadležnim državnim i drugim organima i zalaže se za njihovo ostvarivanje;
- odlučuje o prenosu, odnosno davanju na korišćenje imovine ako mu je predata po prestanku zadruge, u skladu sa Općim zakonom o zadrugama BiH;
- organizuju zadružnu arbitražu i uređuju način njenog rada, u skladu sa Općim zakonom o zadrugama BiH;
- imenuje članove arbitražnog zadružnog suda;
- organizuju sud časti i uređuje način njegovog rada u skladu sa Općim zakonom o zadrugama BiH;
- imenuje članove suda časti;
- obezbjeđuje obavljanje zadružne revizije i uređuje način njenog rada u skladu sa Općim zakonom o zadrugama BiH;
- imenuje zadružne revizore;
- odlučuje o učlanjivanju Saveza u privredne i druge asocijacije u zemlji;
- usvaja projekte od zajedničkog interesa članica i način njihovog finansiranja;
- odlučuje po žalbama članica na odluke Upravnog odbora;
- donosi Poslovnik o svom radu;
- donosi Pravilnik o zadružnoj arbitraži;
- donosi Pravilnik o radu suda časti;
- donosi Pravilnik o radu zadružnih revizora;
- odlučuje o drugim pitanjima o kojima odluke ne donose drugi organi Saveza;
- razmatra i druga pitanja u skladu sa propisima, programima rada i potrebama članica.

Član 25. postaje član 26. i mijenja se i glasi:

Mandat Skupštine Saveza traje četiri godine.

Mandat članovima Skupštine može prestati prije isteka mandata:

- opozivom ili zamjenom od strane Skupštine Saveza;
- opozivom od strane članice Saveza koja ga je izabrala da predstavlja članicu u organima Saveza;
- prestankom rada članice koja ga je izabrala da predstavlja članicu u organima Saveza ;
- podnošenjem ostavke.

Skupština Saveza radi u sjednicama, koje se održavaju po potrebi, a najmanje jedan put godišnje i to najkasnije u roku od šest mjeseci nakon završetka poslovne godine.

Skupštinske sjednice su po pravilu javne.

Zbog mobilnosti u radu ili zbog uštede u troškovima prevoza ili uslijed drugih slučajeva, koji otežavaju fizičko prisustvo (elementarne nepogode pandemija uslijed korona virusa i slično) članova Skupštine, sjednice Skupštine se mogu održati elektronski, putem E-pošte.

Član 26. postaje član 27. i ne mijenja se.

Član 27. postaje član 28. i mijenja se i glasi:

Skupština Saveza ima predsjednika i potpredsjednika, koji se imenuju na period od četiri godine, sa tim da im mandat može biti obnovljen.

Član 28. postaje član 29. i mijenja se i glasi:

Sjednice Skupštine Saveza, saziva i istim predsjedava predsjednik Skupštine Saveza, a u njegovoj odsutnosti potpredsjednik.

Predsjednik Skupštine Saveza je dužan sazvati Skupštinu u roku od 30 dana od dana prijema zahtjeva, ako istu zahtijeva najmanje jedna petina svih članova Skupštine ili Upravni odbor ili Nadzorni odbor ili Predsjednik Saveza.

Član 29. postaje član 30. mijenja se i glasi:

Dnevni red za sjednice Skupštine Saveza predlaže predsjednik Skupštine ili u njegovom odsustvu potpredsjednik, a ukoliko se ista sazove po prijedlogu iz člana 29. stav 2, dnevni red predlaže podnosilac zahtjeva za sazivanje sjednice.

U slučaju sazivanja sjednice Skupštine u skladu sa članom 26. stav 4. , sazivanje sjednice će se provesti elektronski, putem E-pošte, i to najmanje tri dana prije održavanja sjednice Skupštine.

Član 30. postaje član 31. i mijenja se i glasi:

Skupština punopravno odlučuje ako sjednici prisustvuje više od polovine ukupnog broja njenih članova.

Skupština može punopravno odlučivati i bez prisustva više od polovine ukupnog broja članova ako i na ponovno zakazivanje sjednice Skupštine nije pristupilo više od polovine ukupnog broja članova.

U slučaju iz prethodnog stava, kvorum čini 1/3 ukupnog broja članova.

Odluke, zaključci i drugi akti Skupštine donose se većinom glasova prisutnih predstavnika članica Saveza, sa pravom glasa, osim o statusnim pitanjima.

Odluke o statusnim promjenama Skupština donosi dvotrećinskom većinom prisutnih predstavnika članica Saveza, sa pravom glasa.

Glasanje je javno, ukoliko Skupština ne odluči da se o pojedinim pitanjima odluči tajnim glasanjem.

U slučaju spriječenosti fizičkog prisustva pojedinih članova Skupštine, oni mogu učestvovati u radu Skupštine i glasati elektronski, putem E-pošte.

U slučaju održavanja elektronske sjednice, glasanje se provodi pojedinačnim elektronskim izjašnjavanjem članova putem E-pošte.

Član 31. postaje član 32. i ne mijenja se.

Član 32. postaje član 33. i ne mijenja se.

Član 33. postaje član 34. i mijenja se i glasi:

Način rada Skupštine Saveza potpuniće se urediti njenim Poslovníkom o radu.

Član 34. postaje član 35. i ne mijenja se.

Član 35. postaje član 36. i mijenja se i glasi:

Upravni odbor ima tri člana, koje bira Skupština Saveza.

U slučaju da broj članica Saveza pređe 20, onda Upravni odbor ima pet članova.

Skupština Saveza bira članove Upravnog odbora iz svog sastava, vodeći računa o zastupljenosti svih vidova zadrugarstva, te teritorijalnoj, nacionalnoj i spolnoj pripadnosti.

Upravni odbor Saveza ima predsjednika i potpredsjednika Upravnog odbora, koji se biraju na prvoj konstituirajućoj sjednici.

Član 36. postaje član 37. i mijenja se i glasi:

Nadležnosti Upravnog odbora su:

- organizuje i izvršava planove Saveza;
- obezbjeđuje pravilno blagovremeno izvršavanje odluka i zaključaka Skupštine Saveza;
- razmatra aktuelna pitanja zadrugarstva, prati donošenje i dejstvo zakona i

mjera;

- raspisuje izbore za Skupštinu Saveza;
- odlučuje o formiranju i sastavu odbora, komisija, ekspertnih grupa, radnih grupa i drugih tijela;
- utvrđuje nacрте i prijedloge ugovora i pravila, odluka i drugih akata koje donosi Skupština Saveza;
- priprema godišnji izvještaj o radu Saveza i realizaciji finansijskog plana;
- priprema plan rada za pojedinu godinu kao i finansijski plan za tu godinu;
- odlučuje o formiranju i organizaciji rada stručne službe Saveza;
- odlučuje o prijemu u članstvo Saveza;
- odlučuje o isključenju članica koje postupaju suprotno osnivačkom aktu ili Pravilima Saveza;
- donosi poslovnik o svome radu;
- donosi druge normative akte u skladu sa zakonom i Pravilima Saveza.

Član 37. postaje član 38. i ne mijenja se.

Član 38. postaje član 39. i mijenja se i glasi:

Mandat člana Upravnog odbora može prestati prije isteka mandata:

- opozivom ili zamjenom od strane Skupštine Saveza;
- opozivom od strane članice Saveza koja ga je izabrala da predstavlja članicu u organima Saveza;
- prestankom rada članice koja ga je izabrala da predstavlja članicu u organima Saveza ;
- podnošenjem ostavke.

Član 39. postaje član 40. i mijenja se i glasi:

Sjednice Upravnog odbora Saveza saziva i priprema predsjednik Upravnog odbora, a u njegovom odsustvu potpredsjednik.

Zbog mobilnosti u radu ili zbog uštede u troškovima prevoza ili uslijed drugih slučajeva, koji otežavaju fizičko prisustvo članova (elementarne nepogode pandemija uslijed korona virusa i slično) članova Upravnog odbora, sjednice Upravnog odbora se mogu održati elektronski, putem E-pošte.

Predsjednik Upravnog odbora dužan je sazvati sjednicu u roku od 30 dana od dana prijema zahtjeva, ako istu zahtijeva Nadzorni odbor, najmanje jedan član Upravnog odbora ili predsjednik Saveza.

Dnevni red za pojedine sjednice Upravnog odbora predlaže predsjednik Upravnog odbora ili u njegovom odsustvu potpredsjednik Upravnog odbora. Ukoliko se sjednica Upravnog odbora sazove po prijedlogu iz prethodnog stava, dnevni red predlaže podnosilac zahtjeva.

U slučaju spriječenosti fizičkog prisustva pojedinih članova Upravnog odbora, oni mogu učestvovati u radu Upravnog odbora i glasati elektronski, putem E-pošte.

U slučaju održavanja elektronske sjednice Upravnog odbora, glasanje se provodi pojedinačnim elektronskim izjašnjavanjem članova, putem E-pošte.

Član 40. postaje član 41. i mijenja se i glasi:

Upravni odbor punopravno odlučuje ako sjednici prisustvuje više od polovine ukupnog broja njegovih članova.

Odluke, zaključke i druge akte Upravni odbor donosi većinom glasova prisutnih članova sa pravom glasa.

Izjašnjavanje je javno, ukoliko Upravni odbor ne odredi drugačije.

Članovi Upravnog odbora ne mogu istovremeno biti članovi Nadzornog odbora, niti dužnosnici u Skupštini Saveza.

Član 41. postaje novi član 42. i mijenja se. Stari član 42. ne mijenja se, ali se spaja sa novim članom 42., tako da novi član 42. glasi:

Rad Upravnog odbora je javan i u njegovom radu mogu učestvovati predstavnici pojedinih članica, stručna lica, predstavnici državnih i drugih institucija, bez prava odlučivanja.

Sve odluke i opći akti koji budu doneseni i usvojeni na pojedinim sjednicama Upravnog odbora, imaju se izraditi u pismenom obliku i konačnom tekstu u roku od deset dana po njihovom donošenju i iste su sastavni dio Zapisnika o radu te sjednice Upravnog odbora.

Način rada Upravnog odbora bliže će se odrediti Poslovnikom o radu Upravnog odbora.

Član 43. mijenja se i glasi:

Nadzorni odbor

Nadzorni odbor vrši kontrolu sprovođenja Pravila i drugih akata Saveza i kontrolu finansijsko-materijalnog poslovanja Saveza i njegove stručne službe.

Član 44. mijenja se i glasi:

Nadzorni odbor ima **tri** člana iz reda članica Saveza.

Članove Nadzornog odbora bira Skupština na period od četiri godine sa mogućnošću ponovnog izbora.

Mandat članu Nadzornog odbora može prestati prije isteka mandata:

- opozivom ili zamjenom od strane Skupštine Saveza;
- opozivom od strane članice Saveza koja ga je izabrala da predstavlja članicu u organima Saveza;

- prestankom rada članice koja ga je izabrala da predstavlja članicu u organima Saveza ;
- podnošenjem ostavke.

Nadzorni odbor ima predsjednika i potpredsjednika, koji se biraju na konstituirajućoj sjednici.

Članovi Nadzornog odbora ne mogu istovremeno biti članovi Upravnog odbora, niti dužnosnici u Skupštini Saveza.

Član 45. mijenja se i glasi:

Nadzorni odbor:

- vrši nadzor na zakonitošću rada Upravnog odbora i predsjednika Saveza;
- razmatra i daje svoje mišljenje na izvještaje o radu, izvještaje o realizaciji finansijskog plana i na finansijski plan za narednu godinu;
- utvrđuje da li se poslovne knjige i druga dokumenta Saveza vode uredno i u skladu s propisima;
- sačinjava izvještaj o kontroli materijalno-finansijskog poslovanja Saveza i dostavlja ga Skupštini na razmatranje;
- donosi poslovnik o svom radu;
- obavlja i druge poslove određene zakonom i ovim Pravilima.

Uvodi se novi član 46. i glasi:

Sjednice Nadzornog odbora saziva i priprema predsjednik Nadzornog odbora, a u njegovom odsustvu potpredsjednik.

Predsjednik Nadzornog odbora dužan je sazvati sjednicu u roku od 30 dana od dana prijema zahtjeva, ako istu zahtijeva najmanje jedan član Nadzornog odbora, Upravni odbor ili predsjednik Saveza.

Dnevni red za pojedine sjednice Nadzornog odbora predlaže predsjednik Nadzornog odbora ili u njegovom odsustvu potpredsjednik Nadzornog odbora, a ukoliko se ista sazove po prijedlogu iz prethodnog stava, dnevni red predlaže podnosilac zahtjeva.

Zbog mobilnosti u radu ili zbog uštede u troškovima prevoza ili uslijed drugih slučajeva, koji otežavaju fizičko prisustvo (elementarne nepogode pandemija uslijed korona virusa i slično) članova, sjednice Nadzornog odbora se mogu održati elektronski, putem E-pošte.

U slučaju spriječenosti fizičkog prisustva pojedinih članova, oni mogu učestvovati u radu Nadzornog odbora i glasati elektronski, putem E-pošte.

U slučaju održavanja elektronske sjednice, glasanje se provodi pojedinačnim elektronskim izjašnjavanjem članova putem E-pošte.

Član 46. postaje član 47. i mijenja se i glasi:

Nadzorni odbor punopravno odlučuje ako sjednici prisustvuje više od polovine ukupnog broja njegovih članova.

Odluke, zaključke i druge akte Nadzorni odbor donosi većinom glasova prisutnih članova sa pravom glasa.

Izjašnjavanje je javno, ukoliko Nadzorni odbor ne odredi drugačije.

Član 47. postaje član 48. i ne mijenja se.

Član 48. postaje član 49. i mijenja se. Stari član 49. ne mijenja se, ali se pripaja novom članu 49. koji glasi:

Nadzorni odbor je dužan zahtijevati sazivanje sjednice Upravnog odbora ili Skupštine Saveza, ako u vršenju nadzora utvrdi da su povrijeđeni interesi članica, a naročito ako utvrdi teže nepravilnosti u radu Saveza.

Sve odluke i opći akti koji budu doneseni i usvojeni na pojedinim sjednicama Nadzornog odbora, imaju se izraditi u pismenom obliku i konačnom tekstu u roku od deset dana po njihovom donošenju i iste su sastavni dio Zapisnika o radu te sjednice Nadzornog odbora.

Sazivanje sjednice, način rada i druga pitanja koja se odnose na rad i odlučivanje Nadzornog odbora utvrđuje se Poslovníkom o radu Nadzornog odbora.

Član 51. mijenja se i glasi:

Predsjednik Saveza:

- organizuje i vodi rad Saveza;
- stara se o zakonitosti i odgovoran je za zakonitost rada Saveza;
- zastupa i predstavlja Savez u pravnom prometu, pred sudovima, organima uprave i drugim institucijama, bez ograničenja;
- naredbodavac je za izvršenje finansijskog plana Saveza;
- usklađuje rad organa Saveza;
- stara se o lobiranju za aplicirane projekte u saradnji sa predsjednikom Upravnog odbora i predsjednikom Skupštine;
- odgovoran je za provedbu programa i planova rada Saveza;
- obezbjeđuje materijalna sredstva za rad Saveza;
- rukovodi radom stručne službe Saveza, te odlučuje o pravima i obavezama radnika zaposlenih u stručnoj službi;
- organizuje i vodi realizaciju programa i projekata Saveza, koje Savez implementira u saradnji sa donatorima;
- radi na pripremama sjednica Skupštine i Upravnog odbora i izvršavanju zaključaka i drugih akata tih organa;
- obavlja i druge poslove utvrđene zakonom, osnivačkim aktima i ovim Pravilima.

Uvodi se novi član 52. i glasi:

Za predsjednika Saveza može biti izabrano svako lice koje ispunjava slijedeće uslove:

- da je državljanin Bosne i Hercegovine;
- da je stariji od 18 godina;

- da je zdravstveno sposoban za vršenje poslova predviđenih za ovo radno mjesto;
- da nije osuđen za krivična djela protiv privrede i službene dužnosti za koje su nastupile pravne posljedice osude dok te posljedice traju;
- da ima univerzitetsku diplomu ili diplomu druge obrazovne ili akademske kvalifikacije (VSS) najmanje VII stepena stručne spreme, odnosno visoko obrazovanje prvog ciklusa (koji se vrednuje sa 240 ECTS bodova) ili drugog ili trećeg ciklusa Bolonjskog sistema studiranja, diploma visokog obrazovanja – poljoprivredni fakultet, pravni fakultet ili ekonomski fakultet, ili drugi fakultet društvenih nauka;
- da je istaknuti zadružni radnik najmanje pet godina.

Ako se izbor predsjednika Saveza vrši konkursom, konkurs provodi komisija koju imenuje Upravni odbor.

Na prijedlog komisije Skupština donosi odluku o izboru predsjednika.

Skupština može izabrati predsjednika Saveza i bez provođenja konkursa.

Način izbora predsjednika Saveza pobliže će se urediti Pravilnikom o izboru predsjednika Saveza.

Predsjednik saveza ne može biti biran za člana Upravnog odbora ili člana Nadzornog odbora, niti može obnašati funkciju dužnosnika Skupštine.

Ako se u tekućem poslovanju zadruge pojavi gubitak, dođe do prezaduženosti ili do nesposobnosti Saveza da izvršava svoje tekuće obaveze (nelikvidnost), predsjednik je dužan o poremećaju u poslovanju i uzrocima odmah obavijestiti Upravni odbor Saveza.

Predsjednik Saveza može biti razriješen dužnosti u slučaju gubitaka u poslovanju, nepridržavanja zakona, nesposobnosti kao i drugih razloga, na osnovu odluke skupštine.

Do izbora predsjednika Saveza, Upravni odbor imenuje v.d. predsjednika Saveza.

Zaključivanjem ugovora o radu koji potpisuju predsjednik Skupštine i predsjednik Saveza, regulišu se prava i obaveze predsjednika Saveza.

Poglavlje X. NAČIN PREDSTAVLJANJA SAVEZA PRED NADLEŽNIM ORGANIMA postaje poglavlje XII.

Član 52. postaje član 53. i ne mijenja se.

Član 53. postaje član 54. i ne mijenja se.

Član 54. postaje član 55. i mijenja se i glasi:

Savez pred nadležnim organima predstavlja predsjednik Saveza.

U određenim poslovima Savez mogu predstavljati predsjednik i potpredsjednik Skupštine Saveza, kao i pojedini članovi organa upravljanja u okviru njihovih ovlaštenja utvrđenih ovim Pravilima, a na osnovu prethodnog pismenog ovlaštenja predsjednika Saveza.

Poglavlje XI. NAČIN OBAVLJANJA STRUČNIH I DRUGIH POSLOVA SAVEZA postaje poglavlje XIII.

Član 55. postaje član 56. i mijenja se i glasi:

Savez obavlja zadatke i stručne poslove utvrđene ovim Pravilima, na osnovu godišnjih planova rada, koji se u pravilu utvrđuju najkasnije do kraja marta tekuće godine.

Finansijski plan za pojedinu godinu je osnova za plan rada Saveza za tu godinu.

Član 56. postaje član 57. i mijenja se i glasi:

Radi ostvarivanja planiranih zadataka, u zavisnosti od finansijskih sredstava, Savez će organizovati Stručnu službu kojom upravlja i organizuje njen rad predsjednik Saveza, koji ne mora biti profesionalno uposlano lice za vrijeme trajanja njegovog mandata.

Upravni odbor Saveza odlučuje o organizovanju Stručne službe i broju uposlenih, zavisno od finansijskih mogućnosti Saveza.

Zadaci Stručne službe, sistematizacija poslova, organizacija poslova, potreban broj izvršioca, kvalifikaciona struktura i dr., pobje će se urediti Pravilnikom o unutrašnjoj organizaciji i sistematizaciji poslova i radnih zadataka, koju donosi predsjednik Saveza.

Član 57. postaje član 58. i ne mijenja se.

Član 58. postaje član 59. i ne mijenja se.

Uvodi se novo poglavlje XIV. pod nazivom: ZADRUŽNA ARBITRAŽA I SUD ČASTI.

Uvodi se novi član 60. i glasi:

U skladu sa članom 69. tačka 6. Općeg zakona o zadrugama BiH, pri Savezu se organizuje zadružna arbitraža u čijoj su nadležnosti sporovi domaćih i stranih zadruga iz njihovih međusobnih odnosa o pravima i obavezama kojima mogu slobodno raspolagati, ako zakonom ili drugim aktom u skladu sa zakonom nije utvrđeno da određene vrste sporova rješavaju isključivo redovni sudovi.

Organizacija, način rada, izbor članova arbitraže, postupak i druga pitanja pobje će se urediti Pravilnikom o zadružnoj arbitraži, koji donosi Skupština.

Uvodi se novi član 61. i glasi:

U skladu sa članom 69. tačka 9. Općeg zakona o zadrugama BiH u Savezu se obrazuje Sud časti koji odlučuje o povredama dobrih poslovnih običaja i akata Saveza, kada su stranke, zadruge iz Federacije BiH.

Organizacija, način rada, izbor članova Suda časti, postupak i druga pitanja pobliže će se urediti Pravilnikom o sudu časti.

Uvodi se novo poglavlje XV. pod nazivom: OBAVLJANJE ZADRUŽNE REVIZIJE

Uvodi se novi član 62. i glasi:

Savez je dužan stručno i materijalno podržati sprovođenje zakonskih odredbi u vršenju funkcija zadružne revizije u skladu sa članom 69. tačka 10. i članom 76. Općeg zakona o zadrugama BiH.

Savez konkretno obavlja zadružnu reviziju u zadrugama u Federaciji BiH, sa svojim osposobljenim zadružnim revizorima, u skladu sa članom 74. Općeg zakona o zadrugama BiH.

Organizacija i način rada, uslovi i način sticanja zvanja zadružnog revizora, pokriće troškova obavljanja zadružne revizije, sadržaj revizije, postupak i druga pitanja pobliže će se urediti Pravilnikom o radu zadružnih revizora koji će se sačiniti u skladu sa odredbama 73.-83. Općeg zakona o zadrugama BiH, a koji donosi Skupština Saveza.

Poglavlje XII. IMOVINA I SREDSTVA ZA RAD SAVEZA postaje poglavlje XVI.

Član 59. postaje član 63. i ne mijenja se.

Član 60. postaje član 64. i ne mijenja se.

Član 61. postaje član 65. i mijenja se i glasi:

Finansijska sredstva za rad Saveza obezbjeđuju se :

- sredstvima uloga i članarina, koje plaćaju članice i pridružene članice;
- naknada za stručne usluge prema članicama i drugim privrednim subjektima;
- posebnim sredstvima koje članice namjenski dodatno udruže za posebne zajedničke projekte;
- donacijama za podršku Savezu koja obezbjeđe treća lica;
- donacijama po projektnim aktivnostima od vladinih institucija i međunarodnih organizacija;
- drugih oblika finansiranja aktivnosti Saveza.

Za naknade za stručne usluge prema članicama i drugim privrednim subjektima Savez će sačiniti Cjenovnik usluga.

Potrebna sredstva za rad Saveza utvrđuju se i raspoređuju finansijskim planom Saveza. Sredstva u finansijskom planu iskazuju se i utvrđuju po vrstama prihoda, a raspoređuju se po namenama. Utvrđivanje visine sredstava i finansijski plan predstavljaju sastavni dio godišnjeg programa rada Saveza.

Finansijski plan se donosi krajem prethodne za narednu godinu ili najkasnije do kraja mjeseca marta u tekućoj godini. Ako Skupština ne donese blagovremeno finansijski plan, finansiranje Saveza u tekućoj godini vrši se na osnovu odluke o privremenom finansiranju Saveza u visini srazmjernoj finansijskom planu iz prethodne godine.

U slučaju neravnomjernog priticanja prihoda Saveza, uslijed čega može da se dovede u pitanje izvršavanje zadataka Saveza, Savez može da se kratkoročno zaduži.

Za potrebe investicione izgradnje, Savez može da se, na osnovu odluke Skupštine dugoročno zadužuje kod banaka.

Za izvršenje određenih trajnih ili povremenih poslova i akcija od općeg interesa za Savez, zainteresovane članice i drugi privredni subjekti mogu da udružuju sredstva kod Saveza. Međusobna prava i obaveze organizacija koje udružuju sredstva, kao namjena i način raspolaganja udruženim sredstvima, uređuju se posebnim Ugovorom.

Po isteku godine sastavlja se završni račun o izvršenju finansijskog plana Saveza, kojim se konačno utvrđuju sredstva i njihov raspored.

Član 62. postaje član 66. i mijenja se i glasi:

Predsjednik Saveza i Upravni odbor su odgovorni za prikupljanje finansijskih sredstava i njihovo namjensko korištenje, a Nadzorni odbor vrši kontrolu i odgovoran je za namjensko korištenje finansijskih sredstava i o istom izvještava Skupštinu Saveza.

Poglavlje XIII. PRESTANAK SAVEZA I DRUGA PITANJA postaje poglavlje XVII.

Član 63. postaje član 67. i mijenja se i glasi:.

Savez prestaje sa radom :

- ako Skupština Saveza dvotrećinskom većinom, svih glasova, odluči da Savez prestaje;
- u slučaju likvidacije;
- u drugim slučajevima utvrđenim Općim zakonom o zadruga BiH, Ugovorom i Pravilima Saveza.

Član 64. postaje član 68. i ne mijenja se:

Članice Saveza mogu dobrovoljno istupati iz Saveza

Članica Saveza može podnijeti pismeni zahtjev da istupi iz Saveza na osnovu pismene Odluke organa članice o istupanju iz Saveza.

Odluka članice o istupanju iz Saveza stupa na snagu na kraju godine u kojoj je Odluka donesena, odnosno dostavljena Savezu.

Član 65. postaje član 69. i mijenja se i glasi:

Skupština Saveza, u skladu sa zakonom i Pravilima Saveza, može donijeti odluku o isključenju članice iz Saveza.

Članica Saveza može biti isključena u slučaju:

- postupa suprotno Ugovoru o osnivanju ili Pravilima Saveza;
- ne ispunjava svoje postojeće obaveze prema Savezu i ne reaguje na pismeni zahtjev Saveza za ispunjavanjem obaveza pod prijetnjom isključenja;
- je platno nesposobna ili prezadužena ili je pokrenut stečajni ili likvidacioni postupak protiv nje.

Član 66. postaje član 70. i ne mijenja se.

Uvodi se novo poglavlje XVIII. pod nazivom: AKTI SAVEZA

Uvodi se novi član 71. i glasi:

U cilju ostvarivanja svojih zadataka, organi Saveza donose odgovarajuća akta.

Akti Saveza su: Ugovor o osnivanju, Pravila, pravilnici, planovi, programi, poslovnici, rješenja, uputstva i dr.

U zavisnosti od karaktera pitanja koja se regulišu pojedinim aktima, donose ih odgovarajući organi Saveza.

Uvodi se novo poglavlje XIX. pod nazivom: EVIDENCIJA ČLANSTVA U KNJIZI ZADRUGARA

Uvodi se novi član 72. i glasi:

U skladu sa članom 5. i članom 26. Općeg zakona o zadrugama BiH, Savez je dužan da uredno vodi Knjigu zadrugara, u kojoj se evidentiraju podaci o svim članicama.

U Knjigu zadrugara upisuje se: ID broj, sjedište, adresa i djelatnost članice, datum sticanja statusa članice, oblik i iznos upisanih uloga, datum i iznos uplate, odnosno unošenja uloga, datum i način prestanka statusa članice, datum povraćaja uloga i drugi podaci od interesa za Savez.

Savez je dužan da trajno čuva Knjigu zadrugara.

Knjiga zadrugara ima karakter javne isprave.

Povjerioci Saveza i druga lica koja imaju pravni interes mogu tražiti uvid u Knjigu zadrugara.

Poglavlje XV. ZAVRŠNE ODREDBE postaje poglavlje XX.

Član 67. postaje član 73. i mijenja se i glasi:

O pravilnoj primjeni prečišćenog teksta ovih Pravila brine se Skupština Saveza koja je ovlaštena da daje potpunija tumačenja, drugim organima upravljanja ili pojedinim članicama.

Član 68. postaje član 74. i mijenja se i glasi:

Odluku o usvajanju prečišćenog teksta ovih Pravila donosi Skupština Saveza.

Izmjene i dopune prečišćenog teksta ovih Pravila vrše se na isti način kako su i donesena.

Uvodi se novi član 75. i glasi:

Prečišćen tekst Pravila Saveza zadruga u Federaciji Bosne i Hercegovine stupa na snagu 10.11.2020.godine.

Stupanjem na snagu prečišćenog teksta Pravila Saveza zadruga u Federaciji Bosne i Hercegovine, prestaju da važe Pravila Saveza zadruga u Federaciji Bosne i Hercegovine broj: 02/17 od 11.04.2017.godine.

Član 3.

Ostale odredbe Pravila ne mijenjaju se i ostaju iste.

Član 4.

Sastavni dio ove odluke je spisak članica, koje su donijele ovu odluku i ovlastile predsjednika Skupštine da istu potpiše.

Član 5.

Zadužuje se stručna služba Saveza da na osnovu ove odluke sačini prečišćeni tekst Pravila Saveza, koji će se potpisati i dostaviti registracijskom sudu u Sarajevu.

Član 6.

Zadužuje se v.d. predsjednik Saveza da dostavi ovu odluku registracijskom sudu u Sarajevu.

SAVEZ ZADRUGA U FEDERACIJI BIH
PREDSJEDNIK SKUPŠTINE

mr.sc. Balić Duran